

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 03.11.2017թ. թիվ 1707048314 որոշումն անփոփոխ, իսկ վարչական բողոքն առանց բավարարման թողնելու մասին

<<05>>02 2018թ. 17-4-2742817/17-4-1280

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արմեն Եղիազարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Մամիկոնյանց փողոցի 21 շենքի 38 բնակարանի բնակիչ Արմեն Եղիազարյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 03.11.2017թ. թիվ 1707048314 որոշումը՝ նշելով, որ համաձայն չէ որոշմամբ արձանագրված իրավախախտման հետ։

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ հետևյալ պարզաբանությամբ.

ՀՀ ոստիկանության ճանապարհային ոստիկանության ճանապարհային երթևեկության կազմակերպման հսկողության բաժնի կողմից տրված տեղեկանքի համաձայն՝ Երևան քաղաքի Ազատության - Նաիրի Զարյան - Ա.Տիգրանյան խաչմերուկում՝ մասնավորապես Ն.Զարյան փողոցում 5.16, 3.1, 1.21, 2.4 և 4.1.2 ճանապարհային նշանները տեղադրվել են 2017թ-ի սեպտեմբերի 26-ին, ինչպես նաև գծանշվել է անվտանգության կղզյակ, կատարվել են համապատասխան գծանշումներ և տեղադրվել է 3.20՝ <<Վազանցն արգելվում է>> ճանապարհային նշանը։

Ճանապարհային ոստիկանության 03.11.2017թ. թիվ 1707048314 որոշման հիմքում դրված իրավախախտումն ամրագրած տեսանյութը հստակ փաստում է դիմումատուի կողմից 20.10.2017թ. ժամը՝ 14:14-ին Երևան քաղաքի Ազատության - Նաիրի Զարյան - Ա.Տիգրանյան փողոցների խաչմերուկի հատվածում հանդիպակաց երթևեկության գոտով երթևեկելու փաստը, այսպիսով ակնհայտ է, որ դիմումատուն կատարել է վարչական իրավախախտում, որը նախատեսված է Վարչական իրավախախտումների վերաբերյալ ՀՀ օրենսգրքի 124-րդ հոդվածի 18-րդ մասով, հետևաբար իրավախախտման փաստով կայացված վարչական տույժ նշանակելու մասին 03.11.2017թ. թիվ 1707048314 որոշումն իրավաչափ է և այն բեկանելու որևէ հիմք առկա չէ։

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 03.11.2017թ. թիվ 1707048314 որոշումը թողնել անփոփոխ, իսկ վարչական բողոքն առանց բավարարման։
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում։
3. Սույն որոշման օրինակն ուղարկել Արմեն Եղիազարյանին և ՃՈՒՍԿԵՄՍ կենտրոն։



Ե.Կարապետյան